



C. Qalorsuarsorluni unguisuniussuarsorlunilu aalisarnermi umiarsuup allattaaviinik immersuunis-samut ilitsersuut

Kalaallit angallataat qalorsuarsorlutik imaluunniit unguisuniussuarsorlutik aalisartut Kilisaatinut Unguisuniussuarsortunullu umiarsuup allattaaviinut allattuisassapput. Piumasaqarneq malillugu umiarsuup allattaavii Kalaallit Nunaanni Aalisarsinnaanermut Akuersissutinik Nakkutilliisoqarfimmit (KANUAANA-mit) tunniunneqassapput.

Tamanut atuuttut

Avataaniinnermi umiarsuup allattaaviinut ullut tamaasa allattuisoqartassaaq, tassa ulluni aalisarfiunngitsuni taamaallaat “aalisarfissamut ingerlaarneq” imaluunniit “aalisarfissaqqissorsiorneq” umiarsuup allattaaviinut allanneqassapput. Qalorsuarnik unguisuniussuarnik kalinnerit tamarmik pisaqarfiunngikkaluarpalluunniit allanneqassapput.

Aalisarneq aalisarfimmut allamut nunneqarpat imaluunniit akuersissut alla atorlugu aalisartoqalerpat umiarsuup allattaaviini quppernermut nutaamut tamatigut nuuttoqartassaaq. (Assersuutigalugu, aalisarneq ullup unnuallu ingerlanerani Kalaallit nunaata aalisarnermut oqartussaaffigisaanit Islandip imartaanut imaluunniit aalisarneq nunat tamat imartaannit aallartinneqarpat nunagisallu imartaanut nuunneqarluni).

Ulluni aalisarfiusuni tamani umiarsuup allattaaviini qupperneq ataaseq immersorneqartassaaq. Quppernermut nutaamut nuuttoqassaaq unguisuniussuarnik ningitsinerit umiarsuup allattaaviini qup-



pernermi titarnernit amerlanerusimappata. Umiarsuup allattaavii ungaluligaapput quppernerillu tullerriaartunik normulersugaallutik tullerinnerilu malillugit atorneqassallutik.

Paasissutissat atuaruminartuussapput nunguterneqarsinnaassanatillu kuglepeni atorneqassaaq. Paasissutissat eqqunngitsut allanneqarsimappata titarneq tarmarmi peerneqassaaq, nutaamillu allattoqassaaq.

Naqqinermi bilikki (“Tipp-Ex”) allaluunniit ersigunnaarsitsisartoq atorneqassanngilaq. Suna naqqinneqarsimanersoq takuneqarsinnaasariaqarpoq.

1. Umiarsuup allattaaviini quppernermi qulequtaq

Umiarsuup allattaaviini qulequtaq umiarsuup allattaaviini oqaatigineqartutut immrsorneqassaaq, immikkut ittumik maluginiarneqassaaq, “angalanermi” pineqarmat umiarsualivimmit useqarani avalanneq tamakkiisumillu usingiarnissaq siunertaralugu umiarsualivisseqinneq.

Qaammatisiutit ukiuanni angallatip siullermik angalanera angalaneq 1-mik taaguuserneqassaaq. Ukiortaaq ilanngullugu angalasoqarpat angalanerup ilaa tamanna ukiumi nutaami pisoq 0-mik normulerneqassaaq.

Aammattaaq:

- **“Qalorsuit”** ataanni qalorsuit/ungusiniussuit atorneqartut
FAO-mi naalisaanerit pingasut naapertorlugit
(ilanngussami 1-mi nunat tamat akornanni atortut, takukkit)
taaneqassapput.



- **“Nigartat amerlassusii”**-ni nigartat qassiunersut taaneqassapput. Ungusiniussuarnut tunngatillugu unqusiniussuit angissusiat taaneqassaaq. (Takissusiat itsinertussusiallu).
- **“Nigartaqqortussutsini”**-ni nigartaqqortussuseq mm-inngorlugu taaneqassaaq.
- **“Aqajaruini nigartaqqortussutsit”**-ni piniunitit aqajaruini imaluunniit unqusiniussuarni nigartaqqortussutsit minnerpaaffiat taaneqassaaq.
- **Qalorsuit/ungusiniussuit** assigiinngitsut arlaqartut atorneqarpata tamakku “qalorsuit nr.” 2-p imaluunniit 3-p ataani taaneqassapput.
- **“Imartaq pisassaqarfik”** assersuutigalugu ICES-ip imaluunniit NAFO-p imartaatut taaneqassaaq, aalisarfigineqartoq nunat tamat imartaattut imaluunniit nunatta nammineq imartaatut naatsorsuussaansoq taaneqassaaq.
- (Nunanut assigiinngitsunut ilanngussami 2-mi ISO-mut naalisaanerit takukkit).
- Assersuutigalugu Tunumi 200 sømilit iluanni imartaq ateqassaaq GRL/ICESXIVa, akerlianillu imartaq pisassaqarfik taanna islandip imartaaniippat ateqassalluni
- ISL/ICESXIVa. Nunata tamat akornanni imartami pisassaqarfik ateqassaaq INT/ICESXIVa.
- **“Aalisarfissaqqissorsiorneq”**, matumani aalisakkamik sorlermik aalisarniarneq taaneqassaaq. Matumani FAO-p naalisaanera atorneqassaaq (tak. ilanngusaaq 3), inissaqarpalli atia tamakkerlugu allanneqarsinnaavoq.



2. Aalisarnermi sumiiffik pisallu

Ullormut kalinnerit, ungussiussuarsornerit taaneqassapput qalorsuit imaluunniit unqusiniussuit normuat, umiarsuarnut allattaaviit qulequtaanni taaneqartutut.

2.1 Kalinnerup aallartinnera

Aalisarnerup aallartinnerani piffissaq nalunaaquttap akunnera minuttillu UTC atorlugu taaneqassapput. Aalisarnerup aallartinnerani sumiiffik allorniusat sanimukartut avannarliit N-mik taallugit aamma allorniusat ammukartut Ø-mik W-milluunniit taallugit kiisalu kilisaatip aalisarnerani itissuseq (T-mik) immallu naqqata tungaanut itissuseq (B-mik) taaneqassaaq.

2.2 “Kalinnerup naaneratul” taaneqassaaq immap naqqata tungaanut itissuseq taallugu. Ungusiniussuarsornermi aallartinnermi taamaatinermilu sumiiffik taannaakkajuppoq.

Kalinnermi atortut alinneqarpata annaaneqarpataluunniit aamma umiarsuup allattaaviini taaneqassaaq, atortut alinneqarnersut annaaneqarnersulluunniit titarnermi pisat ataanni.

2.3 Pisat

Pisat ilivitsuullutik uumallutik oqimaassusiat quppernermi ammu-kartuni atorneqanngitsuni taaneqassaaq. FAO-p aalisakkanut naalisaanera atorneqassaaq (takukkit ilanngussaq 3-mi FAO-p aalisakkanut ilisarnaasiussai).

Aalisakkat siusinnerusukkut taaneqarsimasut, naqinneqarsimasut titarneqarsinnaapput allanillu taarserlugit. Pisanit igitat pisanut



ilanngullugit nalunaarsorneqassapput angallammiitinnearlutillu. 50 kg. sinnerlugu saniatigut pisat aammattaaq tamakkununga allaffissianut ammukartunut nalunaarsorneqassapput. Annertussutsit aalisakkat uumallutik oqimaassusiannik kiilulerneqassapput. Saniatigut pisat immikkut ittut qaqutigootulluunniit immikkut allanneqassapput.

Pisat tankiniitillugit angallanneqartut titarnerup FAO atorlugu naalisaanerit nalaani „RSW“ imaluunniit „CSW“-mik nalunaaqutserneqassapput. Angalanermi ataatsimi pisat assigi qeritinnearpata immikkut taakkua FAO atorlugu naalisaanera „frozen“ allanneqassapput.

Ullormut pisat immersuiffissami immikkoortumi “Pisassaqarfimmi ullormut pisat”-ni katinneqarsinnaapput.

Angallatip naalagaata ullut tamaasa umiarsuup allattaaviini quppernerit immersorneqarsimasut tamaasa atsiortassavai. Angallatip naalagaata atsiormigut paasissutissat taaneqartut pissutsinut piviusunut naapertuunnerat uppersassavaa.

2.4 Miluumasunik imarmiunik pisat

Miluumasunik imarmiunik pisat ajorluartumik piniutinit pisarineqartut taamatuttaaq umiarsuup allattaaviini nalunaarsorneqassapput. Pisat oqaaseqaatinik allaffissiami allanneqassapput aamma matumani taaneqassapput uumasut miluumasut sorliit pineqarnersut kiisalu suaassusiat ukiuulu, taakku paasineqarsinnaappata. Tamatuma saniatigut amoornerup, ningitsinerup normuani sorlermi miluumasok imarmioq pisarineqarsimanersoq taaneqassaaq. Oqaaseqaatinut immersuiffissiami inissaqartitsisoqan-



ngippat qaqitsinerup pineqartup ataani titarnerit atorneqarsinnaapput.

Umiarsuup allattaavini quppernerik nassiussineq

Umiarsuup allattaaviini quppernerit qaqortut sungaartullu uunga nassiunneqassapput, Kalaallit Nunaanni Aalisarsinnaanermut Akuersissutinik Nakkutilliisoqarfik, Postboks 501, 3900 Nuuk, kingusinnerpaamik usingiarnerup kingorna nalunaaquttap akunerisa 24-it qaangiunneranni.

Umiarsuup allattaavini qupperneq aappaluttoq angallammiitineqartuartassaaq. Nuutinnera tungujortoq umiarsuaatilinnut nassiunneqarsinnaavoq. Umiarsuup allattaaviini quppernerit, kukkulluni allattuinerup il.il. kinguneranik atorsinnaajunnaarsitat aamma KANUAANA-mut nassiunneqassapput, taamaalilluni umiarsuup allattaaviini quppernerit normuisa tulleriiarnerat allangortinneqaqqunagu. Umiarsuup allattaaviini qupperneq atortussaajunnaarsinneqassaaq naqinnernik angisuunik qaavatiqut “ATORUNNAARPOQ”-mik allaffigineqarneratigut.

Ilanngussaq 1: Piniutitut assigiinngitsunut FAO-mi naalisaa nerit.

Ilanngussaq 2: Aalisakkanut assigiinngitsunut FAO-mi naalisaa nerit.